
PM Guyana Visit

بھارت تے گیانہ نے صحت، با ئڈرو کا ربن، ذراعت اور متعلقہ شعباں سمیت کئی شعباں مانہہ تعاون بدھان واسطے 10 معائداں ور دستخط کیا ہیں۔ اس با ہمی مفاہمت نامہ مانہہ طبی مصنوعات، جن آشودی سکیمیں، ثقافتی تبادلہ غا پروگرام تے گیانہ مانہہ یوپی آئی جیسا نظام غی تعیناتی اور پر سار بھارتی تے قومی مواصلات نظام غے درمیان تعاون تے اشتراک شامل ہیں۔ وزیر اعظم نریندر مودی تے گیانہ غا صدر ڈاکٹر محمد عرفان علی غے درمیان گذشتہ شام جا رج ٹاؤن مانہہ وفود سطح غی گل با ت غے بعد دوہاں ملکاں غے درمیان معاہداں ور دستخط ہوا ہیں۔

PM Honour

ڈومینیکا نے وزیر اعظم نریندر مودی نانہہ اپنا اعلیٰ ترین قومی اعزاز ڈومینیکا ایوارڈ نال نوازیو ہے۔ ڈومینیکا گا صدر سلوانی بُرٹون نے کو ویڈ 19 وبا غے دوران ڈومینیکا واسطے وزیر اعظم مودی غا تعاون اور دوہاں ملکاں غے درمیان شراکت داری نانہہ مضبوط بنان واسطے ان غا عزم غا احترام مانہہ اس ایوارڈ نال نوازیو ہے۔ جناب مودی نے کہیو ہے جے ڈومینیکا غی طرفوں اعلیٰ ترین ایوارڈ توں نوازیو جان نانہہ بھارت غی 140 کروڑ عوام غے ناں وقف کروں۔

LG Warning 370

لیفٹنٹ گو رنر منوج سنہا نے دفعہ 370 نانہہ واپسی واسطے اکھٹا ہون آلاں نانہہ سختی نال خبردار کیو ہے۔ انہاں نے کہیو ہے جے بھارت مخالف عناصر تے علیحدگی پسند ماحولیاتی نظام نانہہ مثالی سزا دتی جائے گی۔ اگر وے ملک غی سالمیت نال سمجھوتہ کریں گا۔ تے لوکاں غی زندگیاں نانہہ خطرہ مانہہ پا ویں گا۔ جموں مانہہ کل شام جموں فلم فیسٹول

اور سرینگر غا بین القوامی فلم فیسٹول گا مشترکہ شمارہ غا افتتاح موقعہ ور جناب سنہا نے کہیو جے امن، متحرک فلمی ثقافت اور معاشی خوشحالی اک دوجہ نال جڑیا وا ہیں تے ایجنسیاں نے اُن لوکاں ور نظر رکھی وی بے جھپڑا پُر امن ماحول مانہہ خلل پان غی کوشش کر رہیا ہیں۔ اُنہاں نے کہیو جے 50 توں زیا دہ مُلکاں غو اِت آنو اس گل غو ثبوت بے جے وزیر اعظم نریندر مودی غی قیا دت مانہہ جموں کشمیر پُر امن تے خوشحال بے۔

NIA Raid

قومی تحقیقاتی ایجنسی این آئی اے نے پورا جموں کشمیر مانہہ کئی جگہاں ور چھاپہ ماری کی ہے۔ خبر رساں ایجنسی اے این آئی غے مطابق یاہ چھاپہ ماری دہشت گرداں غی در اندزی نال جڑیا معاملن گا تناظر مانہہ کی گئی ہے۔ جن ضلعاں مانہہ یاہ کا روائی انجام دتی گئی ہے اُن مانہہ ضلع ریا سی، ڈوڈہ، اُدھم پور تے کشتواڑ شامل ہیں۔ اس سلسلہ مانہہ مزید تفصیل غی اُڑیک ہے۔

Visit CM Poonch

وزیر اعلیٰ عمر عبداللہ اُن غا تمام وزارت تے انتظامی سیکریٹری اج سرحدی ضلع پونچھ غا دورہ ور جا رہیا ہیں۔ جت وے ترقیاتی کماں غو اعلیٰ سطحی جائزو لیں گا۔ آکاشوانی جموں غا نمائندہ غے مطابق اس دورہ غے دوران قریب 10 وفود وزیر اعلیٰ تے اُن گا وزراء نال ملاقات کریں گا۔ تے کئی پروجیکٹاں تے سکیمیں غو وی ورچول طریقہ نال افتتاح کیو جا ئے گو۔ بعد ازاں پلک سویرے 10 بجے جموں سول سیکریٹریٹ جموں مانہہ کا بینہ غی میٹنگ وے گی۔ وزیر اعلیٰ اپنا پنچے وزراء سُریندر کمار چودھری، سکینہ اِتو، جاوید ڈار، جاوید رانا تے ستیش شرما نال اج پونچھ پُج رہیا ہیں جت وے جاری ترقیاتی کماں غو جائزو لیں گا تے سرحدی ضلع مانہہ کُجھ ہو ر پروجیکٹاں غو اعلان کیو جائے گو۔ پونچھ جموں کشمیر غو ایسو دوجو ضلعو بے جت اس طرح غی میٹنگ ہو رہی ہے تے بعد مانہہ ایسی میٹنگ ہو ر ضلعاں مانہہ وی ہو سکیں۔ اس سلسلہ مانہہ پہلی میٹنگ 9 نومبر نانہہ گا ندر بل مانہہ ہو ئی تھی۔

CM Agriculture

وزیر اعلیٰ عمر عبداللہ نے موسمیاتی تبدیلی نال نمڑن اور جموں کشمیر غی معیشت نانہہ بہتر بنان مانہہ ذراعت گا اہم کردار ور زور دتو ہے۔ جناب عمر عبداللہ شیر کشمیر

یونیورسٹی برائے ذراعت، سائنس تے تکنیک مانہہ چار روزہ قومی ذرعی اجلاس تے کسان میلہ 2024 غا افتتاح غا موقعہ ور خطاب کر ربیا تھا۔ وزیر اعلیٰ نے جموں کشمیر غی ترقی غا با رہ مانہہ گل کرتاں واں ذراعت نانہہ نظر انداز کرن ور تشویش غو اظہا ر کیو ہے۔ اور ذراعت اور اس نال جُڑیا شعباں غی اقتصادی صلاحیت ور مزید زور دیتاں واں کہیو کہ جموں کشمیر غی معیشت نانہہ بدلنو ہے۔ اُنہاں نے آئندہ نسلان واسطے کاشتکاری نانہہ قابل عمل اور با عزت ذرائع معاش غا طور ور بحال کرن با رے کوششاں ور زور دتو۔
